

Te mahere ā-rohe o Hibiscus and Bays 2020

He aronga poto i tā mātou mahere



Mihi

E toko ake rā e te iti, whakatata mai rā e te rahi,
kia mihi koutou ki ngā kupu whakarei
a te hunga kua tīpokotia
e te ringa o te wāhi ngaro,
engari e kaikini tonu nei i ngā mahara i te ao, i te pō.
Ngā ūha i mahue mai i tērā whakatupuranga
kia āpitihia e tatou ki nga tūmanako o tēnei reanga,
hei mounga waihotanga iho
ki te ira whaimuri i a tātou.
Koinā te tangi a Ngākau Māhaki,
a te wairua hihiri
me te hinengaro tau.
Oho mai rā tātou ki te whakatairanga
i ngā mahi e ekeina ai te pae tawhiti
ka tō mai ai ki te pae tata.
Tēnei au te noho atu nei i te mātārae
te titiro ki runga o Ōrewa,
ki te one e rere atu ana ki Te Whangaparāoa
ki te Kūti o te Puarangi.
Kei waho ko Tiritiri Mātangi,
tomokanga ki te moana o te Waitematā.
Ki uta ko te Whanga o Oho Mairangi,
ūnga mai o Te Arawa waka.
Ka rere whakarunga ngā kamo ki Takapuna kāinga,
Takapuna tupuna.
Kia taka ki tua ko Maungaūika
te tū hēteri mai rā i te pūwaha o Tāmaki Makaurau,
Tāmaki herehere waka.
Ka ruruku atu tātou mā te waitai kia puta ake
ki te Awataha ki ngā mihi a te Kaipātiki
me te Te Raki Paewhenua ki te uru,
i reira ka whakatau te haere.
E koutou mā ka ea, kua ea,
Kia ora, huihui mai koutou katoa.

.

Kei tēnei puka te whakarāpopotohangā o te Mahere Poari ā-Rohe. Toro atu ki te paetukutuku o Te Kaunihera o Tāmaki Makaurau, www.aucklandcouncil.govt.nz mō te roanga ake o te mahere.

He kōrero nō te Heamana

Nau mai ki te Mahere o te Poari ā-Rohe o Hibiscus and Bays 2020. Nei rā te mihi ki a koutou katoa i whai wāhi atu ki tēnei mahere, ā, nei rā te mihi nunui ki a koutou i tino pai ai tēnei hei wāhi noho, wāhi mahi, wāhi hararei hoki.

Āe, he tau uaua tēnei mō tātou katoa. He whānui ngā taumahatanga o te MATE-KORONA, i pā atu ki te katoa. E hari ana tōku ngākau i te wairua o te whanaungatanga e rāngona ana i te hapori. He hapori angitū tātou, he hapori aumangea tātou, ā, ko tētahi o ngā kaupapa matua i tohua e koe ko te hiahia kia aumangea kē atu te hapori.

I ēnei rā taumaha, he tino whakahirahira kia mārama ai te rārangi kaupapa o te poari ā-rohe. Ko ēnei: te whakarauoratanga o te ohaoha ā-rohe, te whakapaipai i ngā hanganga hāereere, te tiaki i ngā wāhi mārakerake me te taiao, te tautoko i ō tātou hoa tata, rātou mā e whakakaha ana i te hapori.

Kua rongo mātou - he wāhi nui tō te taiao ki te oranga o tēnā, o tēnā i tēnei takiwā, nā whai anō me nui noa atu tā tātou ki te manaaki me te whakaora. E tautoko ana mātou i ngā kaupapa whakaora hauropi me te whakakorenga o te para. I rere mai te kōrero i a koutou - he tino whakahirahira te ākau, he āwangawanga hoki ki te ngāhorohoro me ngā raru o te āwhā. Ka whakaautuhia ēnei āhuatanga i te Mahere Tiaki Ākau. Ki tēnei, ki ētahi atu kaupapa hoki, ka mahi ngātahi tonu ai ki ngā hapori ki te whakarite kaupapa whakahāere e ngāwari ana ki te taiao.

He wāhi whakawhanaunga ngā pokapū hapori, pokapū toi, pokapū whakangahau, whare mātauranga. He whakahirahira ki te tokomaha ngā mahi e kawea ana ia rā ki aua wāhi. Ka hora te wairua ngahau i ngā hui ā-rohe, ā, ka whai wāhi hoki te tangata ki ēnei hui kia rāngona te whanaungatanga. Nā ngā hui ā-rohe ka puta ko te hapori aumangea, ā, ka tautokona tonutia e mātou. Ka whakapaihia ngā hui me ngā kaupapa nei kia ngāwari ake ki te taiao, ā, ka ngana tonu ki te kawe tika i ngā ratonga mō te hapori.

Ko ngā rori kua muia ki te motukā tētahi o ngā kōamuamu nui. Kei te hiahia mātou ki te tautoko i te ohaoha ā-rohe kia taea e koe te hokohoko me te mahi tata ake ki te kāinga. Ka whakatinana tonutia e mātou ngā mahere pokapū tāone, ka tautokona tonutia ngā pakihī ā-rohe. Ka akiaki mātou i te whakatinanatanga o ngā kaupapa matua pēnei i te Penlink me ngā tūhono pahi. Ka aro hoki ki ngā ara paihikara me ngā ara hīkoi kia ngāwari ake te hāereere ki wāhi kē.

Ka whakapau tonu mātou i te moni haumi ki te tiaki, ki te whakahou rānei i ngā whare e whakahirahira ana ki a koe. He kaupapa nui te whakarite haumarumaru ki ngā papa tākarō me te whakahou i ngā taputapu kia pai ai ki ngā tāngata katoa, ahakoa te pakeke/pūkenga. Ko te manaaki i rohe o Ōrewa Beach tētahi o ngā whakapaunga pūtea haumi tino nui. Ko te wawata - he wāhi e harikoa ai te tangata ināianei, āpōpō hoki, hei painga mō ngā reanga e haere ake nei.

Nei rā te mihi nunui ki a koe i āwhina mai i te whakaritenga o tēnei mahere whakahaere mō ngā toru tau kei mua i te aroaro. Ka titiro whakamua ki tā tātou mahi ngātahi kia hua mai ai ngā painga ki ngā tāngata o te rohe pōtae o te poari ā-rohe o Hibiscus and Bays.

A handwritten signature in black ink, appearing to read "Gary Brown".

Gary Brown

Heamana, Hibiscus and Bays Local Board

He whakarāpopotohanga o ngā kaupapa matua o te mahere

Whakaotinga tahi: He hapori honohono

Ka whai wāhi atu tātou ki te hapori, ā, e whakahīhī ana tātou ki te āhua me te wairua o tēnei wāhi. He taha Māori tō tō tātou hapori, he taha kanorau tō tō tātou hapori. He whakahirahira te whakakaha me te whakakorikori i ngā hapori ki te whakapiki i te oranga o ūtātou tāngata.

Whakaotinga rua: He ohaoha ā-rohe kaha

Mā ngā pokapū tāone taurikura e maha ake ai ngā manuhiri, e nui atu ai te pūtea haumi e whakapaua ana, e taea ai e ngā tāngata te noho, te mahi, te whakangahau ki tēnei rohe.

Whakaotinga toru: He taiao kei te tiakina, kei te whakahaumakotia

Nā te matomato o te taiao me te ātaahua o te ākau, he tino wāhi noho, he tino wāhi ngahau a Hibiscus and Bays. Ka whakarautaki, ka whakautu i ngā āhuatanga e hua mai ana i ngā raru āhuarangi, raru ahuwhenua, raru hangahanga. E ngākaunui ana ūtātou hapori ki te taiao, he kaha hoki tātou ki te manaaki me te whakaora i te taiao. Ka ora ana te taiao, ka ora ana te tangata.

Whakaotinga whā: He wāhi mārakerake hei pārekareka

E taea ana e ūtātou hapori te tae atu ki ngā papa tākaro papai, ngā whenua tāpui, ngā ākau, ngā whare ngahau, ngā whare hākinakina me ngā whare ngangahau.

Whakaotinga rima: Ngā kōwhiringa ikiiki

He tino pai ngā kōwhiringa hāereere ūtātou hapori. He wāhi nui tō te pūnaha hāereere e tūhono ana i ngā waka tūmatanui, rori, ara paihikara me ngā ara hīkoi ki te oranga o te tangata.

Whakarāpopotohangā o ngā take pūtea

Ngā whiwhinga pūtea, whakapaunga pūtea, whakapaunga pūtea haumi o te Poari ā-Rohe o Hibiscus and Bays mai i te 1 Hōngongoi 2020 ki te 30 Pipiri 2021.

Rārangi Tahua Pūtea ā-Tau	2020/2021 (\$000)
Whiwhinga moni i ngā mahi whakahaere	
Ratonga hapori ā-rohe	3,188
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
Tataunga whiwhinga moni i ngā mahi whakahaere	3,188
Whakapaunga moni ki ngā mahi whakahaere	
Ratonga hapori ā-rohe	18,798
Whakarautaki ā-rohe me ngā mahi whakawhanake	539
Ratonga taiao ā-rohe	284
Mahi kāwana ā-rohe	1,097
Tataunga whakapaunga moni ki ngā mahi whakahaere	20,718
More whakapaunga moni ki ngā mahi whakahaere	17,530
Whakapaunga moni tōpū	
Ratonga hapori ā-rohe	4,565
Whakarautaki ā-rohe me ngā mahi whakawhanake	-
Ratonga taiao ā-rohe	-
Mahi kāwana ā-rohe	-
Tataunga whakapaunga moni tōpū	4,565

Ngā Mema o te Poari ā-Rohe o Hibiscus and Bays

	Ngā taipitopito hei toro atu ki ngā mema
	Gary Brown – Heamana Waea: 021 193 2167 Gary.brown@aucklandcouncil.govt.nz
	Victoria Short – Heamana Tuarua Waea: 021 198 1195 Victoria.short@aucklandcouncil.govt.nz
	Andy Dunn Waea: 021 196 2715 Andy.dunn@aucklandcouncil.govt.nz
	Janet Fitzgerald Waea: 021 242 7504 Janet.fitzgerald@aucklandcouncil.govt.nz
	Gary Holmes Waea: 027 496 6283 Gary.holmes@aucklandcouncil.govt.nz
	Julia Parfitt Waea: 021 287 1999 Julia.parfitt@aucklandcouncil.govt.nz

	Ngā taipitopito hei toro atu ki ngā mema
	Alexis Poppelbaum Waea: 021 197 2878 <u>Alexis.poppelbaum@aucklandcouncil.govt.nz</u>
	Leanne Willis Waea: 021 194 5660 <u>Leanne.willis@aucklandcouncil.govt.nz</u>

